



北
 碓
 詩
 集

共
 四

三
 之
 四

末
 共
 四

18
 1284
 2



18
1284
2



北碯詩集卷第三

今歲蘭柳相先梅最後

稍殿金絲與紫莖駸之躡等敗清盟白鷗認得橫斜
影應對清流訴不平

長是年年趁雪妍一鞭遲著笑今年姓名雖在百花
上終不敢為天下先

雪中訪別魏使君

踏雪尋春計亦優不如去款魏君侯雪喪風帽台州
去豈是無才入蒸州

大雄離騷不入時反騷變雅又奚為天台好處休提
掇只詠寒山拾得詩

明
如
地
詩

晚歸遇雪

集霰續之趁雨飄回風藉之委江郊重陰凍儻天無
畛一眼平鋪池不坳直恐徑迷隨意掃又疑竹裂帶
寒敲倚闌欲看連雲色更待黃昏桂影交

山陰道中殘雪

晃眼鮮明未寂寥江村猶自礙漁樵積陰雖重消平
地背日猶多壓小橋捨地竹頭扶眩起種畬山腳望
晴燒天誅螟螣躬行罰殺氣回春款之消

與應真遇○代蓬山見水心侍郎

神游入極乘風車小復按轡凌谿谷龍湫下瞰不咫
尺下有深竇無底無津涯應真長年一捫膝借觀塵

泮井底蛙朝來巖室忽聞寂水流山空鵲槎之浮雲
出岫杳之不可馬錫聲小振巖雲了問之何以出山
去一笑不知山日斜其看八絃淨如洗五雲明潔從
東嘉川川所鍾一人耳半千千載何其遐經綸才大
輔以德八斗一石初何加天公不忍世寂寞愁遺一
老為國華一經指授豹則虎未獲印可龍仍蛇去尋
宿覺言外意助發康樂毫端花粲然穎脫世間語簡
古佶屈仍聲牙稱揚此老長不老豈憚弱水蓬萊賒
綸巾羽扇凜如畫恍然來泛叢霄植羣仙奔走敬且
肅百神呵護嚴不諱知公醉經不以酒玉枕自澆新
露芽謂言正傳僅如縷邪說行紛於麻正音一震

研才
三
二
聾聾洗空亂耳秋池蛙廉隅道喪日滋甚習俗侈
靡相矜誇清風儉德起頽俗革去極侈仍窮奢黃金
朝勒駕欵段青絲絡頭閑渥洼小施尺筆試鞭策駑
驥庶毋遺等差振衣小作一年別偃指盈闕之蝦蟇

白藕花

一楮三年工欲賦無三都剪作千葉芳出水淵不枯
照影秋湛染搖柄春粵腴夜老句華月側此華玉壺

送方巖出帥嗣寇二

草木猶知舊姓名妖狐折膽在先聲鄉來筆下三千
字今日曾中十萬兵直把文章爲小枝橫遮江漢隱
長城油幢坐嘯祛鋒帽六合清風白羽生

漠漠江城度柳花江南春事又天涯綠抽秧穎秋占
稼碧凝檀雲晚未衙風動十連成日化夜嚴千竄靜
無譁書生只事毛錐子試把輕裘緩帶誇

許由觀

馬乘何曾換一瓢羽成玉骨蛻塵囂是非到耳雖無
迹潁水何曾洗得消

舟中

暴背初從曉日開當時曾說獻君來舡頭亦有死簷
緩準擬排雲又一回

下池
東坡題明戶那分上下池在池上

漾之璇題湛鏡光團之素壁剪方方一杯曾句蟾蜍

玉猶帶仇池翰墨香

老子隨行首藉盤不曾無客自開單更將餘粒投清
淺聊為游魚小倚闌

酬竹巖江湖偉觀

偉觀如偉人特立萬夫上曾中九雲夢浩然老益壯
柱固著孤山排闥數秦望平湖且陰晴西子亦瀾浪
江潮齊晦朔海若見情狀出來非地獻亦復豈天相
誰將萬象影幻此千幅帳悠然會真意何以堪俗况
曲闌供小立雙眸縱遐放空濛辨眇畦平漫分趣尚
外則盡諸物內則了諸妄何妨水涵空勿使雲塞向
不須陋狹隘更復事寬曠湛此一寸虛秘發千古藏

圓方外明偉室

沙礫不自汰清明日遙逝充此一寸虛八紘靜無翳
天風卷滄溟濤山鬱巖崑悠然一漚滅中有湛不搖
方其澄湛時十日洞無際用晦乃全功何妨九島斃

魏憲使石筍小築

住山做得淡生涯泉有金沙與白沙日課小童城市
去歸來煮飯又煎茶

野芳佳木自衡斜約勒春風占物華聊復避喧非避
世種桃不似種梅花

桌上苔梅方著一花

華風先試若茶牙煖破蒼苔著一花淺之石泉都凍

了不容疎影浸橫斜
冰鎖寒泓湛不搖瘦枝無力闖春饒風中鮮穠來無
跡一點乾酥凍不消

盆蕉盆稼各一首

不才脆弱自天全亦既它怜復自怜根託器盛且瘦
小葉從心展看芳鮮近聽似有秋聲遠側卷都無露
點圓時把短屏遮鳳尾不教細字上蠻箋
尺水涵空鏡不塵晚秧踈密政亭勻葉膏微雨潛分
潤手擲鮮風不厭頻萬斛堂堂嗟既沒數莖蠹蠹喜
懷新益孟只靠家田飯薄享無功弗媿人

野步

嶺上人歸欲寄梅嶺根流水隔塵埃水中忽見胡麻
飯不入桃源便出來

迂回菴譙卿持節東瀾

廷尉天下平軒輕論銜銖時稱無冤氏傳載西京千
舊史讀至此遺恨輒有餘元康神爵間趙蓋靡其軀
陵遲至五鳳繼以韓楊誅存宣不足道定國其爭乎
不得言則去何苦但囁嚅大哉平恕心至是果存諱
公平開禧未定見了萬殊大本周易拔滋蔓非難圖
在辟疑惟輕寸田齋以虛觸藩豈無羝漏網固有魚
執中事寬大吹春甦槁枯近者推自新遠者免自汙
至仁不勝用感德冬陰儲一節雄東藩六月馳軺車

歌謠沸先聲，弩矢觀前驅。清風方泠然，列城斯壤如。
民物破鬱陶，雲霧亦展舒。歛此一道惠，歸爲商鼎需。

賀李臨海雨

與得蜿蜒覺黑甜，油然雲氣起沉潛。一擊霹靂飛寥
泬，三日霽霓洗赫炎。水足舊畦仍浸潤，夜涼新月又
闕簷。令君後樂先黎庶，丈有今年不再占。

冷泉待月

猶自單衣怯夜闌，不風亭戶子聲乾。平生知己蓮峰
月，不爲衣單不倚欄。
開住亭前綠半篙，泉中白兔眇秋毫。庾樓自是當年
好，番襪工夫合反騷。

眩轉金波凝不闌，特尋佳處閣團團。南飛鳥鵲墮
去，獨與飛來小朵看。

金鰲山 御榻

丁未龍飛動四溟，驚濤曾豈礙揚舲。杳鰲不露黃金
背，跨岸誰開白玉京。環扈翠華驅海若，勒回釣艇問
山靈。暮鍾萬嵐千秋頌，澄徹堯聰得細聆。

高潮莊中秋

貫見冰盤出海川，可曾海上看團圓。全潮退舍開平
地，萬里無雲展素紉。冷怯單衣沾沈澹，皎如白晝數
峰巒。敗荷深蕩僧歸去，髣髴西湖畫裡看。

題永嘉楊孟均巫山圖○有小巫山

部領羣峯壓小巫陽臺
猶自雪模糊若教指點猿啼
處判得剛腸百斷無

蒙泉○西菩寺

攻井只丈尋得名由參寥丈人玄豹姿
養德富不驕想當發泉蒙如此湛弗搖
珠明水增媚鏡淨塵當消陶泓句餘瀝
米筆生春潮止則雲沉之漲則挑大之
淘趁槐火新戰與坡仙挑壇拜十四字
高山鬱宮堯燈炮護圖續些苦何能招須
公起九原爲我飲一瓢於戲不可作仰止
蒼崖腰

醜子壽謝宮使七夕見寄

吾門開康莊吾心洞秋旻泓澄湛無底
方寸無涯津

美人隔秋水數月一合井昨宵七月七
游子腳不停仰看烏鵲橋遙盼牛女星
顛天致私禱席地羅廣庭乞巧問天孫
逐物昧已靈齊東田野間語言殊不經
夫何古猶今競作奔之鷄玉霄眇空闊
銀漢橫青冥不須賦解嘲且復歌閑情

霜柳

春傍垂楊困得醒池塘部曲頂精明
褪寒欲試搗兒淺商略工夫苦未成

雙頭蘭

艾擁蕭陵雪未消蒹葭連芳萼闖春饒
國香不似傾城色寂寞空山大水小禽

落梅

一點消磨幾許春
苔生新綠襯殘馨
忍看卷地隨風去
不忍兒童掃亂零

如隱○張子皆

堂之偉冠衣琅之歌紫芝洗空綺紉習政恐富貴
富貴安在哉一笑付倘來不來亦不覓不直水一杯
小團時之開不待春登臺俗駕驅塵埃合爲山靈回
隱非盛世事說與隱君子未盡若山魚此隱誠何如

和素齋口占兼簡贛菴

岸巾斜日倚庭柯
調度疎明似小坡
長鈇不彈秋寂寞
短檠更問夜如何
青雲舊約聯鑣上
白草新聞對

酒歌秉鉞登壇誰獨步
今淮陰更辨多多

萬年寺前古杉

千載萬年門外樹
銅柯鐵幹古髯鬚
鶴歸空誤單華表
鹿走徒羞大夫自
厚本根雖磊砢不煩
枚葉銜身腴棟梁大厦
知多少落之羣空只
一株

羅漢嶺上古杉

一畝蔽蒼苔
曇猷手自栽
滴高零露馥
蟠厚烈風哀
黛色垂雲黑
丹心閱世灰
兒孫幾度老
獨立腹雲隈

盆荷

萍粘老瓦水涵天
數葉田田小帖錢
才大古來無處用
不須十丈藕如船

池上

冰漸漱齒夜生寒白草生我踏月殘水面有風人不見只教荷氣上闌干

寄楊大鑑

商飆流西金萬卉寒如灰廣寒爛銀關初放蟾枝開一花墮九地四海無纖埃鍾作河嶽靈挺此梁棟才倘可濟巨川不然為塩梅我欲問此翁山林起摧頽可以長安酤大白非鯨杯擘麟配萬錢鳥爪去不回抑以頌與箴聳德如徂來賦豈料敵手吟非橫槊才不如姑置之高臥深雲隈長嘯揖箕翼更把蠶椿我明年紫荷囊此約當重來

酬金陵吳別駕

鄉來王謝不傳衣只有烏衣烏鵲知無限去思無處繫斷魂長是燕歸時

次張文昌送川張道人韻

萬水遠千山翩然去不難雙明元自碧方寸為誰丹鶴化曾留句是輕欲振翰不知藏世界一粟幾何寬樓大參囑珣起宗素狐山舊藁

舊賦梅花欲及騷効壘徒目不償勞未尋處士孤山夢誤得先生一字褒剪之衰蘭甘草莽腫之華月在林臯從來平地神仙脚咫尺釣衡步武高鄉來又与洵濤瀾森之回淵攪不渾鼎之飽參梅子

熟雪霜不見竹枝蕃
媿無攻處心尤小
力丐歸時德更尊
雲靜八紘天在水
華風煖處見春痕

圓無外一春不歸
蘭猶有花

一春寂寞無人問
不爲無人不謹初
猶有兩花藏葉底
隙簷三見月如梳

韓寺遺墟

十年秋傍故山零
一塢殘雲夜不扃
土偶何人猶作崇
相傳不似舊時靈

書荆公訪僧圖

長鬚瘦策策深雲
來就蒲團到夕曛
疇曩山中無此畫
至今猿鶴怨移文

冷灣

怪雨盲風塞冷灣
破頭艇子出湖難
平生無地酬忠信
獨向風波險處看

趙節推挂

不爲鱸魚不爲蓴
只思天際九華青
心關幽事惟招隱
脚到榮途亟引鈴
營掾解成纔燕賀
笑虞羅巧嘆鴻冥
樂閑趁得身強健
振厲仙源擅德馨

虛舟所至信浮沈
揭厲何曾較淺深
堅不可磨惟定見
去終難挽是歸心
書生豈但青衫債
俗子安知綠綺音
神政門頭舊時月
照人如鏡古猶今

國清寺絕頂更好亭下古梅

花開更好亭前枝亭曰更好花更奇我猶未到春已
到春不到此將焉歸千山萬山儼環抱一樹兩樹藏
嶽歛曉粧弗受朱粉汚老去自著莓苔衣澹交霜髯
與蒼玉雅宜苑舍橫疎籬雲英風味有餘裕石鯨鱗
甲饒華滋恍然羅浮月中見鬢之糾髮森冰肌又如
大窖凍不死凜之素節無瑕庇紛紛紅紫不解事與
春角逐何遲之待文作興不足道凡民碌之終奚爲
孤芳拔俗千萬丈未暇相與論襟期貞姿皓態美無
度幽意獨許鮮風知悠然憑高一披拂僧囚處處開
晴霏窗間脚踏擁風葉照几碧眸巖電馳淵之方寸
湛古井一漚不動清漣漪天香闕此無盡藏潛於鼻

觀通幾微水流山空但自笑理與神遇端如斯鄉來
孤山水清淺龜膚鶴膝相參差青銅盤屈破香雪紫
鐵矯揉駢明璣膏盲泉石政爲此冠冕草木今其誰
天公亦復加郵惜闊著湖水無邊涯八篇只遣處士
賦一點不放紅塵飛是中泉石固深秀惜欠晴湖山
四圍客如我輩亦不惡擬賡疎影橫斜詩後車合改
効鑿輶亦若佩弦仍佩韋

小圃卽事四首

粉紅蓓蕾弗禁吹盡拾鮮英綴傳枝欲賦惜春麾異
二形容不到未開時○杏花著風
恰則欠之看小桃靚粧撚指九分消丁寧更耐明朝

雨欵曲隨風送落潮○桃花着雨

練悅新裁襯縞衣暝雲垂地擁瑤姬自知素潔難銷

俗只赴梨花淡月期○李花耀月

白之紅之短之離自鉏芳迳簡繁枝義皇向上游明

若此段家風說與誰口芳迳初日

移樓間次蓬山允韻

叢拍蒼柄頂春寒詩史題名勝得仙剪出鱗皴仍節

節何曾擁腫到便人更無曲處連黃壤只欠橫枝架

老禪來歲子魚分樹藝簷前清影賦聯綿

蕃居即事

欲過東家怕渡橋欲題黃葉怕隨潮經旬不踏門前

路陡頓蒼苔綠色饒

聞陳無却辭錢丞相道堂

杜堂錢了不求餘熟處工夫放得疎逐客未行丞相

令絕交先作孔方書富非貧樂人皆笑去以留輕絮

不如采之蕨薇歌日暮也勝彈鋏嘆無魚

送周教授兼簡劉左史薛寺丞

舍選諸生出侯藩博士歸一官甘獨冷千仞看羣飛

苦學丹心古春風泮水肥傳衣觀歲晚先使識摳衣

霜趁殘秋肅寒侵薄暮生帆開吳浪急鴻挾楚雲橫

客裡常加飯人歸得寄聲為詢劉與薛江漢幾長城

揖山樓○宋王月山游雁宕書額

豁陰留雲雲不留樓在五雲之上游青天一握淨如
洗好山四面清涵秋主人亦有太白浮揖遜群峰相
獻醜巖中野逸皆名流農隙頗復登臨不何當天風
吹袖寒颼颼披衡跨霍迤邐崑崙丘悠悠按轡雙龍
湫泠然爲君上上頭樓頭風物須盟主風騷之外吾
無取猛拍闌干撫寥泺不問青天問華月

雙溪潮水清

滅影雙溪死便燒年年楓落見清潮
淞江亭下暗翻雪卷作渾濤怒不消

朴翁約劾誠齋分題得月色

霜晴如此月明何獨恨空庭著不多
窗外樓頭都有

了其餘四散儘從它

贈心上人

一林新霜雁背寒滿庭疎雨客衣單
苦心莫負韋編絕歲晚歸來語夜闌

聞濟妙高爲善淨攘其居兼簡楊守慈湖

俗習翻新樣民生先故吾緇雲忘揖遜
何處有廉隅憂難窮鼠紛々莫辨烏多應
風化首坐嘯答歌襦聽鼓噓簞食逢山辨
把茅霧囚閑自挂月檻許誰敲戰蟻翻
侯國驅鳩入鵲巢先生河漢辯何以解人嘲

酬雲臥白雞

冠染丹砂雪剪翎不因風雨廢常鳴
有時失座無人

醒只有劉琨與祖生

謁樊將軍舞陽侯廟

蕭曹筆削宏猶撫良平智略吞禹夫魏壇既登跨下
士貢帳謾悅驪山徒龍爭虎鬪爪牙備劉怯項勇天
淵殊鹿雖未果死誰手鼎已潛知開漢圖將軍最先
待所託亭長之外無負符逸群拔萃一人耳屠城斬
將羣雄俱鴻門直入緩危急虎口僅免纔斯須宴安
鳩毒寤主意排闥紫禁當前驅奮身不顧但愛死嬰
鱗未了仍編鬚帝雖寡恩少善後吾寧守義如厥初
匈奴無故遺嫚書在廷如堵方噉嚙將軍裂背不願
餘請十萬衆行匈奴不知十萬行匈奴果與衛霍功

何如

醜王哦松八景 泉南

黃玉臨江展碧紉馮夷庭院水晶寒天教兩賦酬風
雅不謂人間作畫看○赤壁泛月

欲從山北駐晴霏先與山南淡掃眉見說商周遺俗
在試尋康俗未來時○廬山霽色

雨歇江空錦瑟鳴巫圖清絕些湘靈斯須雲歛便有
月更著數峰江上青口滿湘雨過

噫之梅花煖響初曉來痕綠到蘼蕪鷄沉鸚鵡千年
恨指舊江山忍按圖○鄂渚春歸

浩然直養老益壯吐作跨水鼎虹飛三萬頃秋天貼

水不禁依約寫煙霏口吳江秋晚

素車白馬佗前駟壘雪屯雲擬不如尺紙忽翻千尺

練斷魂強弩控弦初口澗口春潮

雨後雙螺對縮青米毫曾此蘸中冷寫成九派分流

勢不寫當年瘞鶴銘口金焦雨餘

羨他蓑笠度年華盡把風烟付賀家盤礴細搜吟意

緒明波一曲小菱花口鑑湖獨釣

酬樂清陳簿雪中平反 發女人父子皆詞科

用恕存之坐照姦之如挾纊弗知寒天雖有二無偏

覆網既開三亦甚寬疑欲惟輕刑自省死終弗怨枕

方安雪中小試陽和力大地生成却不難

過張氏水亭

剗岸不多遙晴初雪未消菰簷雖傍水人影不隨潮

鵲占寒枝喜魚從落日跳丹楓莫吹盡我欲繫蘭橈

三錫堂下接桃

前度劉郎去不來炫晴灼之又花開蟠桃著子三千

歲一歲從他熟一回

接枝換骨勝刀圭臉暈嬌風滿舊蹊有問春工在誰

手避秦人在武陵溪

烏檻角行

村之花柳春菲之烏檻聲動清晝遲梅花噎之不成

弄黃鐘大呂相因依川平野闊牛背穩水徇山曲人

煙稀一聲一擊斷復續十十五五喧牧兒四郊喚得
墮農起不作陽關腸斷聲淒其道傍駐馬遠游子往
往不減陽關悲此聲豈解令人悲朝燕暮越遠別離
亦復豈能使人喜凶桴士鼓相酣嘻於戲此樂吾獨
知尚記天台委羽破雨開林扉自鞭敲鯨耦溺沮白
水沒膝同扶犁是非利害不到耳終日聽此鳴三吹
風淳調古相泱洽不與市道趨澆漓搗來腳踏軟紅
陌不聞此曲聞此詩借翁語險久不利邇來作者如
頃篋頃篋雖美與時背豈若烏檻方適時

泊港口

港闊風初霽潮平夜欲分半江都是月一點不留雲

東去舟無數南飛鵲戀群疎鐘何處寺隔浦最先聞

趙禪菴

面面蒼崖似削爪濤翻鼉鼓半天搥依稀劉阮曾行
處無數水邊桃未花

送謝司令通守嚴陵

訪竹凌霜後尋梅趁臘前春風方委曲別乘忽騰鶩
處土不入府客星仍受屢密齋容膝外何處著壺天

拚桐花

葉底秋聲急雨催人言滿樹是愁媒九回百斷渠何
與自是愁人做得來

新月

澹掃蛾眉雨後天
天容澄潔稱嬋娟
弦雖未上終持
滿壁反胡爲尚不全
只鄉生時看最好
莫於缺處劉
成圓人問夢事紛如蟻
著眼何曾到汝邊

雪中登西菩寺參寥舊居分月閣聞讀書聲

誰乎讀書琅子然
四山響答皆清圓
山空無人渡雙
澗更與流水相潺湲
凍雲壓山吹不皺
雲際稜之展
瑤甃廣庭萬舞亂
零飛老枝繁重如僧瘦
吞蟾縞夜
洞八窗弗煩凍手挑
殘釭蠅頭萬字不足數
罔之寒
入青眸霍辨才昔與參寥子
秣馬問途端自此要汝
勇追龍象躅爲我辛勤十年讀

嘯雲

胡笳未奏邊雲悄
長嘯一聲山月小
狂虜歸思悲夜
老身未到家心已到
山雲不似塞雲腥
雲中倚闌時
一聲悠然清聞四十里
何獨重圍空萬騎

問訊方巖侍郎

翳盡珠明萬象空
壺中只著小玲瓏
鄉水與北菟群
馬此去斗南能幾翁
淵默但知藏霹靂
清寧何必友
方城屹立青如削
萬壑千巖在下風

用亦無心舍亦輕
歲寒只有竹忘形
水村容與吹黃
葉溪圃耘耔課白丁
細草遠連三徑綠
好山長借兩
眸青溪池小貯連天碧
待與人間洗濁溼

招遇野

葉響初疑夜霰微
曉看連王幻屏惟
令人憶煞天台
遇白盡
蒼夜喚不歸

辯才鐘○并引

范銅爲鑄三百鉤
銅有禁屬秀州吏
光自圍屬
霄漢遂寢其鞠州
人至今誦之寺前
鐘墀如故
章爲之不春嘉定
丙戌春余再至者
宿使者語
識鐘之所由鑄

井龍欲振茲山靈
忍使夜且鐘不聲
西京舊賜禁猶
在卽山鑄得蒲牢
鳴虛文破壁儼如
故縣官正令今
重新身歸柱後惠
丈手加以束縛投
諸圜夜圍猷發
照城關燎原不足
方其明民皆呼吏
林回祿駿奔稽

瀨祈玄冥及乎鄉
邇寂無覩更欲炙
手嗟無因朝聞
夕報事從貸雨濡
露濯恩如春鄉來
光亦上牛斗九
疇分野當豐城子
將獨往莫耶在延
乎濤浪今猶腥
何如坎井蟄不死
雨暘咎響如谷神
百年逸事付僧
史不然箕箒重刊
銘

鴈來紅

夜夜澄花巧勝栽
家曹準擬傍秋開
鴈來紅葉都紅
了目斷西風鴈不
來

田舍卽事

刺水綠針抽田低
水退流未飢先作
午圖飽預占秋
井遠餅罌重波荒
繭粟浮靜思田舍
樂却爲素飡羞

斷壘收殘麥晴風卷宿雲
盪泥諳馬力煮繭策蠶勳
野色如秋霽山謳送夕曛
悠然觀歲事不負一春勤

長門怨○代錢常熟

井月歸來剪絳燈
誤占燈喜望承恩
斷魂薄命如初
月缺盡團圓只一痕

菊到秋時獨擅奇
怕秋嫌唱菊花詞
花頭又似金錢
小不把金錢鬪葉兒

拍○宮溝碧卷羅影窺
明玉歛青娥回頭趁撲雙
蝶恨殺春風獨管它

夢到昭陽與夢回
楚天雲雨隔陽臺
壁粘醴鹵花如
雪賺殺羊車不入來

柳絮

酥姑米白玉床丹
老去慵將狡獪看
却愛一川風絮
好就缸做得雪團乾

日者

惡月懸弧豈好兒
衣冠聊復換伽黎
聽言易感人人
信不信田文善相齊

翠掃○參寥舊居小樓

小樓却立青林端
有水有竹仍有山
微風徐來敲池
面濃翠澹掃開煙
鬢九岡獻狀飛
蜿蟺悠然赴壑挽
不還玄珠湛影
不走盤嵐浮霧
煖相縈環曲闌
巧當環抱間
愛山聊復倚
曲闌亦有零
澹供朝挂
食崇朝

眼雙孱顏

送詵老歸千頃山

老詵愛山不知了何事衝寒下魏哨歸裝只有一囊
詩問之陸離還自照曰言峰頂摩九霄五月六月雪
不消松風蕭蕭吹沈寥千巖萬壑酣笙簫前山後川
雷可燒黃精雜錯黃獨苗飯家山米可卒歲亦有旨
蓄延漁樵人間自有揚州鶴詵也云胡甘寂寞笑云
樂去悲相隨吾非惡此而逃之

錢百六錄參入新宅得子

千億子孫昌衣傳袞綉光履成觀賀燕筆喜誤書簾
桂熟霜前子梅騰雪後芳不須瞻岐疑定肖白眉良

寄陳黃巖○魯叟

梅霖纔自歇雩雩又復油然注上河水繞百畦雖喜
足雨當六月不嫌多醜雖未及炒先種頭已先低粒
晚禾歲事莫於出租卜只於堂下聽絃歌

劉檢詳新除

南北分疆後關河氣不清有才皆瓊屑臨事少擘嶸
嵩華俱崑崙岷峨獨抗衡卯金重耀德梨杖復尋盟
火老隨秋地涼深伴月生虛疑仙掌泣縹緲慶雲明
肯室高名節寬西舊老成空群嘉駿產跨竈大家聲
問望公輿論芳香藹且評尺書賢十部全璧藐連城
一歲尋佳處重陽欠好晴風輕菜未紫露重菊初榮

春玉新嘗稻接香試剪橙滿城風雨句不足配餐英

閏月九日劉檢詳入山間近作

北欄尋新築東籬管舊香雨交前九月晴到後重陽
蟻慕無羊肉鴻謀缺稻糧食英聊自笑辟穀竟何傷
心遠喧常寂山深拙可藏息陰慙惡木同調友孤芳
叢篠緣苔砌閉花蔓蘚墻寒枝繁鳥雀落照下牛羊
綠大荷繁雨青知橘未霜歲華驚過鳥秋思老吟將
老子便幽事深雲就睡鄉捐呼閑部曲嘯詠懶封量
率爾鳴天籟冷然似野旄汲溪酬款乃濯足詠滄浪
蟻爲誰開國蜂如我敬王俗休嘲賦村驢謾吊沉湘
蘭芷新紉佩芙蓉嫩製裳不亦元亮醉何似接輿狂

更復求三益何須饋五漿龍山在何許雲水渺相望

酬南岩諸友

歲閏黃楊厄年豐白晝長獨居無一事兩度見重陽
野饋同誰餉閑花各自芳貴將今夜月藉手送秋光
唐人劉長卿送徹上人歸越云禪客無心杖錫
還沃州深處草堂閉身隨弊履經殘雪手綻寒
衣入舊山獨向青山依樹下空留明月在人間
那堪別後長相憶雲水蒼之但關關洪義二上
人請次韻歸山陰

行雲流水去仍還多費清游少費閒缺處欲修前夜
月燒痕旋補去年山榻仍拂拭懸空壁猿自歸來守

半閒寂寞東家老，
屋下安幾日到松關。

江心寺步月諸公用甄監簿雲卿韻

愛此憑闌夜不眠，
欲將風馭作冷然。
呼蟾駕起三更月，
展鏡攤開萬頃天。
亦有山靈回俗駕，
可無惠帳著胎仙。
試看拍岸濤翻雪，
幾許驪珠碎又圓。

菜花

花芥開常晚，今年九月開。
直攬寒露過，弗待小春回。
後乘猶追菊，前驅不遜梅。
休誇太早計，老圃解栽培。

冷水谷桃花未開次竹巖韻

山行兩袖皆華風，
游人未多花未紅。
堂堂春去已無幾，
晴趁一日來山中。
山人寸金醺天地，
都種芳菲留。

客醉粉桃商略待，
緋桃坐令羯鼓催。
無計忽之歸興如酒濃，
零落斷雲流水蹤。
明朝乘興尚可再，
應笑武陵蕞笠翁。
判花大手今燕許，
收拾是中春。
一塢小待巴東製錦歸，
盡吹紅雨爲霖雨。

酬姜貧樂

我欲淵明伯仲間，
爲誰乾沒靜中閒。
直將目送孤鴻度，
橫截湖飛短艇還。
稍聞便同搜萬象，
更忙亦可看孤山。
是間真隱多餘地，
玄豹何嘗肯露斑。

立可則禮思復雪中見過

花翻雲葉舞風回，
新好續之帶雨開。
團破小龍寒未淪，
客如兩鶴瘦飛來。
白灰宿火雖同灘，
黃獨無苗各。

自煨苜蓿扁舟明日去小須門外玉山頽

錢雪

前水花新霽瞰雲日未升簷聲都是雨篔溜半成冰
幌冷疑眠月囚虛罷續燈獨餘林杪塔猶日隱觚稜

酬方巖

大溪小溪沙水明濁可濯足清濯纓淵之寸田湛古
井澄濁與之俱忘形綠野菜花三四畝不圖娛客借
供口○公題花園門碑云只教人種菜莫悞客看花
舊種庭前三樹槐更有門前五株柳時拊碧雲歌琴
雪婆婆鵲羽青綸巾不妨別調吟梁甫收拾乾油浩
蕩春

書雪湖寄張高沙詩卷後

大篇如建瓴小篇如扞城執此能事柄凌歛造物與
雪湖坐此徹骨貧致貧之具猶示人鏗鏘應是我輩
語飢寒悲苦哦清新高沙偶日春風手也是乘槎丈
人後紅蓮開幕著詩人此段風流少人有飛聲郎署
忽聞舊掃門謾惜千金帚不圖願與丈人厚要看雲
錦三千首

復齋奚左藏挂冠

趁得身輕便挂冠翩跹出岫白雲閑村疎一日是兩
日心廣半間如萬間聊把大門標俗子別開荒徑友
佳山羲皇向上多餘地時對清風一破顏

特操剛明與俗乖谿山亦復外形骸子正正作豈矯
世我醉欲眠聊縱懷勇賦一歸尤果決光寒千文不
沉埋從來林下何曾見僅有先生闥可排

送錢竹巖宰常熟

無日游天竺新除問補陀兩回抽竹策一語定弦歌
懸懸如虛谷靈通豈祝鮀只依彭澤樣條具不須多
淵默戰紛華清吟日又斜尊中常有酒堂下可施置
琴響家家月春酣處處花乎章風物手小屈課桑麻

贈鶴鳴馮高士有丹

靜對深爐養白砂又從活火剪黃芽蛻塵與世羽凡
骨看鏡爲誰開曉霞萬里腳頭元自穩一毫心事不

曾差何時采藥天台去爛醉桃源幾樹花

賀宇文樞使

伊洛正音聞者寡邪說異端難並駕春風不到六經
堂和煦無由謁天下卓然人物既興起浩然一氣均
陶冶模杲霽月耿東南勁草疾風知用舍隄障狂瀾
如砥柱淵源理學扶示社伊周文憲復精明漢唐迹
作俱陵跨論道經邦坐策勳彈冠束帶無遺野遂令
四海九州內三尺兒童耻言伯太山盤石固無疆亂
臣賊子胡爲者今日樞庭拜宇文還似前朝相司馬

盆蘭

采之芳根綠綴苔一莖只放一花開畹中好惡非同

調林下薰蕕各有才惜此國香無地種知它楚些爲
誰哀小留鶴帳梅梢月倘伴高情入夢來

送黃邦博之官高郵

一曲占晴湖樓俗居豈俗人雖增境勝鷺不與鷗疎
古錦投明月春風入絳幘好詩頻遣寄莫道不情書
貴作橫金客十如切玉刀長城堅未下大敵勇難鏖
老兔明千里垂虹綠半篙何時醉醪醖伴我讀離騷

送譙回菴作江東憲

千騎駟駟擁旂旌鳥啼花發近清明斯文自是城中
大廷尉傳持天下平春到十連皆化日風清萬竅只
秋聲廬山面目無人識賺喜車來爲主盟曾守江州

續舞馬行

見說開元天寶間登床百駿俱回旋一曲傾杯萬人
看一顧群空四十萬黎園部曲能窮奇蹄鐵矯捷
柳伎不直玉環一解頤更走瀘戎生荔枝天上人間
及覆手故態忽生亂離後將軍入眼可曾有誤駿爲
妖不足咎於戲虐虞全盛時百獸率舞鳳鳥儀維熙
之和乃其効何用區區教坊教

韻光菴

洛下僧歸未寂寥餘光還向此中韻入千峰杪從它
笑放一頭低儘自高客至坐涼分樹影雲開寫望到
江濤夜遙月冷風初霽萬籟無聲亦怒號

謝盤野黃文昌

易入亞夫滄難收四海名
全無可媿獨以退爲榮
蕭灑霜髯古勇腴玉色
明神仙在平地跬步到
鈞衡日課芳菲譜掃來
手自裁有詩隨意好
無日不花開
鷗鷺論心事雲山入
酒杯綺羅簾幕靜
處虛小蓬萊
十四夜月

幾望滄浪月裴回
獨自看小虧修未了
感滿怕持難
篆冷檀煙濕衣單
桂露乾丁寧橋下水
明夜印團團
代竹巖送侍郎

曾泛東湖載月舡
不將人物等閑看
二靈千古獨鍾
秀五嶽三調空
目寒跨竈極知從
古少爲兄端恐自

君難故家別有單
于調付與鷓原次第彈

荷橐風高比固秋
黃童白叟擁行舟
舊盟不冷在群
鷺歸興絕攀回
萬牛傳自教
明南國後可容
冠借一年不旌
麾小試經綸手
此惠何煩歛一州

昭君行○并引

楚靈均漢昭君皆歸州人
雖德色之不齊其於
不遭一也賦昭君些靈均云

楚山有美傾人國
家傍江城逐臣宅
逐臣賦並日月
明琵琶遣入穹廬
鳴哀彈不作胡兒
語寫漢遺音
吊亡楚泪如鈇水
濕春風苦心只與
春風新曲中愁緒
亂風絲因風寄鴈
雲南飛漢家彈作
昭君怨試問昭

君別怨誰天生尤物天還如仰天自笑蛾眉誤不如
強醉枕琵琶暫時栩栩之夢還家昭陽未有承恩地
閨氏孰與寧胡貴不須頻下思家泪漢女雄猜如阿雉

日雞謝靜講師○湖州舊詔

素羽剪零雲冠裁辰錚新德如潮有信雄壓牝無晨
物化寤非蝶蟻酣驚代隣莫教風雨暝緘口却羞人

苕溪多楮三伏最茂

朱實燉空密檻成曾陰無地喝行人風枝雨幹彫零
後玉板雲英制作新傳得文章貽後晉忍隨竹帛禍
先秦西涼葉葉秋聲樹學到先生是効響

寄漫塘劉平國索竹巖錢德載換章

一從神武掛衣冠千載華風去不還閑快清寧羞宦
巧靜闕奔競識天慳高於少室從它售捷似終南各
自板我欲西風問無恙不知著得幾鷗閑

西余庭犀合抱強半不下西湖劉寺雙桂已厄
於嘉定十二年打十方之初信夫主僧元粹之
忍也余在北山作詩撥之云翠華幾度樹邊來
手壓芳枝內苑栽且看傳燈金粟面小留殘穢
點蒼苔兩唐律賦西余吊劉寺云

亭亭領袖晚風光吹盡西涼不盡香勒麝蘭薰回俗
駕動龍蛇影轉回廊老持素節芳仍潔碎點蒼苔綠
襯黃自把胡床低處著高春盤礴到斜陽

蛻俗風標與片分競攀爭擲到仍雲弗知藏國有喬
木大似幽居無此君葉密聽他嫌不韻根盤如許合
空群四朝雨露金刀寺兩樹前年大斧斤

初度

召溪初度思親泪滴盡依前不及泉借使無言還自
壽便教有法與誰傳五窮各自爭爲崇百巧還他弗
解禪爲問季秋幾望月幾回照我未生前

北磻詩集卷第四

送袁狀元別駕

碧苕秋晶晶君子尚此潔淵淵方寸地上善固一轍
白蘋對紅蓼亦各振清冽况復芬陀利穆若謝炎熱
譬彼寒水玉温其出冰雪其中富涵蓄其響亦疎越
有德必有用無瑕更無缺允屬清廟器合在東序設
君家聖賢學擬續鄒魯絕正音久不作脩君本爲舌
風月小鴻溝矧乃龍首傑偉茲真富貴弗與顏原別
輝耀近芳日腫腫袖華月餘光散遐隱四海俟昭晰
遺直在山林放言敢辭拙

和竹巖游虎丘

山低秋欲雨樹老晚藏煙
劔試道邊石花飛臺外天
暝雲埋古甃嵌竇漲新泉
欲借松風鼎煎茶些玉川
九日姑蘇臺醜盧蒲江
趙靜齋錢竹巖諸名勝
歲晚登臨似仲宣可勝來
此拍闌干水圍綠野日將
夕露浥紫萸秋未寒欲雨
天痕雲氣濕不風庭樹子
聲乾悠然吊古無窮恨付
與西風一永嘆

雪中寄趙湖州容齋

慶兆三回白祥開嗣歲春
精求方懇之懸應忍遠之
化母非無待玄冥却有神
夜囚疑是月曉砌不生塵
粃麥占年熟郊原見日新
柳塘吹漠々銀浦剪續之
鶴幹勝寒重援枝撼落頻
折腰嗟勁節低首吊蒼鱗

池草生吟思溪梅寄遠人
不知吟嘯地何似灞橋親

開元觀乃何畏齋施地張練師開山

何必過流沙溥溪種道芽
雄開獻王地勝仿覺皇家
雲侶呼朝斗星壇數扣牙
胎仙朔集後底處蟄靈蛇
舟中遇雪寄宋使君

數點雨中飄蕭騷響近郊
霏微疑旋集蓬破省初啟
乾沒高連下平鋪凸到凹
懸知天地力瑕穢賴并包
急舞隨風亂續飛度竹遲
松埋巢鶴頂藤重挂援枝
螟蟻頻年死烏鳶盡日飢
婁豐書對史雙展使君眉
代人與荆襄李制帥

桃花武陵原千騎訪舊游
舊題鬼神護苔蘚封蛟虬

是時原中花炫盡爛不收稚耄相懼呼再拜羅道周
一聞謦咳擊日似吾故危危今飛上六盟在滄江鷗
公來席未溫玉帳涼生秋粘天洞庭北襄楚當襟喉
小屈經綸手平分宵旰憂幽清鸚鵡洲月滿黃鶴樓
黃鶴去不返萬籠棲貌貅白羽青綸巾坐寢淮南謀
文武固一道貂蟬出堦整致身須黃閣看鏡方黑頭
故家邁種德台輔不足醜顏支鄒魯瀾未障洙泗流
載觀統有宗抑使俗不浮古道復大明殊俗皆蒙化
况夫蜀文章眉獨稱雄茜多應峨眉月只照東萊江
徐提刑挽章

授官寧後子退已不先人盡是無私處何慙第五倫

盧君挽章 中年失明

禍淫福善信前聞話到斯人只斷魂心豈管丹遺問
問電雖藏碧鑑昏昏欲將書卷酬青紫不啻贏金富
子孫後夜黃龍洞前月小留殘照側金盆

黃龍洞

玄窞蜿蜒宅苔痕到底青鑿深連地軸設險訝山靈
路斗風烟濕風酸草木腥丁寧休勒駕更欲上新亭
舊館夜雪投靜上人

雪重官塘滑堆蓬掃不消聞鐘尋近寺轉港識飛橋
膚粟寒初起衣稜煖不朝主人無不佛泥佛不中燒

謝陸少監分惠渭南劔南家集

故家騷雅傳翼翼見芳繼况如孫仲謀不敗乃翁事
圭殘入哀拾壁斷歸次第自成一家學忍使隻字棄
老翁喻蜀時名勝各超詣初從漢西京綿綿振末裔
相如子雲後經術奮多士巋然今隴蜀淵乎古洙泗
馮劉振風霆劉李渺涯涘况復有小李雋永出大敵
翁來試掉鞅平地快奔駟逸駕相後先六月乃一稅
渭南問風俗劔南看形勢岷峨連蓬婆風賦達駢儷
雕鏤到微茫扶剔逮菑連絡數十城八萬四千尙
彬彬復又采爛爛存表制分甘成暗投効顰更拙計
瓊瑤報木李美齊詔當世乃今得瓊瑤何以答佳惠

葛無懷計至 鈞朴翁

飲豚闕天巧銜枚戒夜嚴采茶寧自苦課甯爲誰甜
閣令看山檻亭空並水簷懷哉雙宿鷺日日望鈞簾
靜勝知天定虛明悟物齊略伸嗟屈蠖欲吐喪晴霓
夜雨燈侵幌春風柳並堤漫天吹絮盡一點不沾泥
杲無外枝巢

樹下無三宿人間就一單房新蜂最樂巢舊燕知難
雲幌涵秋冷蟾枝蹈月殘朱門空鎖宅多是別人看
卽事

遙夜遲眠替夙興細聽墻角打風稜白灰未冷已無
火紅燼欲殘猶有燈天做雪時先白雨水通潮處可

曾冰有詩只些孤山月不恨梅花喚不磨

分歲

辨得分年供清哉亦稱懷野槩均柿串草具麤松釵
指冷柑初破灰紅芋旋埋火邊相枕藉火盡又添柴

讀獄鄂王傳

王與吾佛日祖同厄於身而前而同榮於身後余
觀此傳於歸安簿趙應寂書於傳後而歸之

百鈞不挽射早弓朔望酬酒馬鬣封從來知子莫若
父許以徇國輪精忠相州去謁大元帥是時元帥方
潛龍華風忽與慶雲遇千載一德明良同南董門外
衆制寡鐵路步上雌決雄浮屠連牆望塵靡柎子如

山隨手空偽齊可給不可殺兀木可出毋庸攻寇連
諸道解如瓦氣吐千丈長於虹聲先到處皆昏風桀
驚怙狼推枯蓬中原跋踵戴舊德蕭牆稔旣基元凶
當時劍握不倒置直北馬首無由東全尺寸地有餘
从半九十里隙奇功老罷既蹈百尺穿長城遂摧千
丈墉群姦尾搖蜂蠆毒一墓吻納蟾蜍宮強胡妄興
脫虎口殘喘忽重甦犬戎難平者事有成算可投之
機無再逢鄉來望諸報燕惠無怨無怒方雍容其誰
掩卷輒慟哭主父偃與齊蒯通黃金臺地置勿論問
之胡不達四聰昔人已矣不可作後來更復將焉從
審如幾括發心中誠與日日照而融將軍碧電搖百

步跨竈英勇尤折衝乾坤不朽忠義骨光騰杯土方
腫腫春秋不書六月雪是日集霰回冷風祀傳百世
子配食天定勝人還至公亂臣賊子生有好遺臭不
无均翔蟲坐令三光五獄氣百歲左衽昏濛濛周南
滯留奮椽筆折軒全直傳無窮語溪大字倘可法燕
然蒼蘚知誰礪開禧之事如昨日清淮灑血連天紅
動逾二紀不解甲殘虜尚銳斬費鋒噬臍大息復太
息遺恨黯予齊嶠峒至今姦血澤遺類忠憤鬱之填
人曾向使二子及見此慟哭豈止喧旻穹古愁連環
不可解除是帝舜開重瞳

樹菴嚴教主塔

黃金扶膝起沈潛一屈何須爲老嚴掃徑雪苔封古
甃舉頭花雨落疎簷樹酸如橘尤多澀語苦如荼久
自甜新霽林光淨如洗僧窗處處有孤蟾

送侃侍者歸靈鷲

莫將平淡覓陶潛紀律嚴於玉帳嚴要得瀾翻聯石
鼎也須雪立到茆簷太虛自笑花無帶佳境誰云蔗
不甜如此工夫隨分到靈犀無夜不吞

索笑

屋角飄香樹何曾解倩今倚春和露瘦闌曉待蟾低
背俗高標致從他浪品題若非材處士冷面覩清溪

有客

雨止雲猶黑春寒草未青打門無俗客勒駕有山靈
彷彿斜川路裴回曲水亭落梅都著子點々六花零

鶴唳

九臯清響漏殘時想見松間露濕衣弱水弗關雲外
路乘軒終不侶橫飛

蘋洲萊菔脰甚

藕生王井何曾見梨屬張公不見分安得脰瓊萊菔
子蘋洲雨畔種殘雲

寄陳宣州中書

霽月橫陳幾許秋拍肩小謝老風流開尊孰愈暫挂
榻視草屬如高臥樓舊有鳳銜新紫詔今無鶴似古

楊州穎川只說黃丞相更爲行春得小留

夷惠清和不同同直將兩袖春風屢豐從勸三農
始初度重書二月中欲與大年分殿最試於小知擊
空侗雖云弱水歸溟渤自向西流不自東

佛眼侍者祖元血書華嚴八十卷以報母細而
楷花石綱初得之藏諸塔寺後復失之復得之
於京師

楚雲血指書法華藏諸衡山竺僊家自言剖匣待慈
氏凡指試觸轟雷甫思豁不落衡山後行綴蠅頭三
十九停勻瘦勁妙鍾王初終一字亡差謬阿元曾透
龍門去失却登門最初步筆端佛語血滴之直下發

明根本部一塵具有一卷經破塵出經不動塵塵人
利人盡三昧一字一行皆正因靜想生初常及照勇
然母血知多少一支餘瀝何足云貝葉悉書疇不了
蓮花七卷六萬言淨明海眼伯仲間諸經一寫復屢
寫六經血脉俱相關六丁疇曩曾搜索青氈解后銅
馳陌千金購得喜欲顛十襲載歸花石缸恍如光焰
騰雙劍夜欲龍光寒不焰遂令合浦有還珠丹令滄
海有遺珠

劉學諭挽章

大信難於淺俗謀楚人然諾久無酬盡據索蘊知難
售空抱遺經自反求數曲短屏於屋曉半規殘壁洞

庭秋焚舟自是諸耶事接武東廂兩勝流

題水墨萱草水仙

草欲忘憂萼更滋望雲長在蜀天西蕭蕭風木添新
恨謄錄精神苔噬臍

綠玉纖扶水玉腴華風披拂度華裾却從壞色衣中
賦不把高情許子虛

讀南遷錄

垂垂胡運風燈掣不惜鼎中猶繳刺後庭玉樹不搖
春以看婆娑雙勃脫提刀榮馬兆自南夢中宿憤方
深街子生母死託諸母既既滋蔓難夷艾骨肉相殘
甚於冠倒把太阿歸女手寧能同死不同生倚角丞

圖鄰壤拔奮戈禿體空無前頓巢倒穴成播迂飄零
左袵餘南冠孫又生子穉腥羶回頭九十年中事水
淺蓬萊換人世順昌之捷金刀回商號破竹丘山頽
韓劉亦復不世出英勇棄捐如擲礫短檠伴語南遷
話汨眼不晴徹遙夜應是天歸古汴都却教胡羯先
驅除

讀泣斬錄

斬當淮楚衝虜騎如雲潰書生膽如斗激烈生風雷
備禦盡吾力力殫心不灰誓與城存亡不遣足馬回
忍死不忍屈視死猶去來一州同一心忠憤鐵石開
舍生貴取義肯顧兒女哀話頭素講明餘刃方恢大

視古不愧今冷落俱雄才後師窘於免越起山澤隈
遂使破賊手不復殲渠魁儀刑古睢陽觀闕雙崔嵬
傳後韓愈書芒寒燉九孩不知斬州傳大手今誰哉

送高菊磻訪方巖侍郎

塵漲軟紅深髯高獨訪尋貧交難偶俗生事不關心
米貴甘食玉樓寬苦就金霞標連雍蕩欵々度岑崆

醜趙山中

壺公雲雨上秀整壓全吳白眼嫌人俗玄袞笑鶴癯
對吟酬蟋蟀獨酌泛茱萸待賦歸來後商量覓鏡湖

塘西寺聞蛙 顯首座戶宿

器小易彭亨聲連蹠蹕羣三更萬籟息兩部一池分

語海嗟難合窺天亦浪云尋無杜鵑處得此不堪聞
方巖許送紙不至

巾山高出慈恩寺蜀叟貧於鄭廣文卷盡長廊無一
葉尚餘淡筆振孤軍蒼筠歎殺空懷古明玉方裁欠
策煎惆悵洛陽收賈後欲書重吊楮生文

謝周和州叔子

陰陰濃綠成新帳茶蘼試粧催芍藥緩鞚青絲果下
驪時與華風相領略風平不違主人意吹開宿醒換
新醉玉山自起不須扶隱若長城一萬里和州歸來
賈如土高著十連疇不足倚闌目送斷鴻飛閣按新
聲翻舊曲疇曩方巖丈人厚詎到君危布衣舊不知

灞上故將軍何如細柳真將軍

和趙湖州見寄

弘遠詼諧與巧遲約三章法赴吟期一從鷗鷺忘情
後都是池塘入夢時星履盍疇高步或竹符聊試小
施爲廩然心事明如日况是從來畏四知

泊然菴

白日靜中消忘言賦解朝葉疎猶可噤雲淺亦堪巢
清擬聖人酒澹於君子交悠然無籍在簷鐸聽風敲

平望徐監酒新樓

水際樓居入眼新傍窗橫榻欵詩人早彫杜老雙蓬
鬢晚賞徐卿兩石麒麟濃綠已搖三丈線殘紅恰有一

厘春閑情直與眉霄壤也爲春歸作小盤

次韻宣州使君陳中書見寄

蠶紫芝歌問綺園橘中果有幾何天試原雪夜玉堂
夢更了江春符竹緣新漲溢池荷葉小煖風掠面柳
花鮮大邦屏翰風騷地應有詩人受一厘

白蘋洲新樓日溪山偉觀

溪頭烟煖蘋花春豈獨滿渚亦滿汀春城綺綉艷溪
曲柔玉慘々歌采蘋采々芳鮮日將暮玉枕瓊盃旋
分貯水晶闕冷禁城寬繭擢夷猶緩歸去鄉來小亭
橫水許雨震風凌日榛莽山鬼嘯思猿嘯渚寂寞風
烟向誰許仙槎忽從銀浦來金疆開拓搜吟才眼則

有句未暇著只著畫樓臨水開一雙浮圖筆插架層
級高低與樓亞從來天巧不曾藏紛紛俗眼空茫羊
賦此須還造構手大蘇小杜相先後柳惲才華更有
餘那堪一等愛樓居

南玉帳曹國博再知類省舉

除却倚門樵悴兄關心國子老先生近看西蜀群仙
籍遠赴南豐一辨盟久矣倚公如敵國懷哉得士勝
長城蜀江萬派朝宗水峭絕瀘川砥柱橫

竹院

種得碧參差開門綠打圍金鋪寧免碎玉瘦不禁肥
雨過風梢重晴初露葉晞弗須關月戶我欲款烟霏

題繁書記作雙鵠鵠並宿梅花上

金線單絃餘睡思
豔茸亂羽欠春聲
立殘參子黃昏
月猶傍梅花瘦影明

林酒仙祠

百丈古規繩
蹉訛尺到尋
可曾知稼穡
多是少叢林
有蹟從人議
無心與俗沈
太湖吞弗盡
哆口到如今
醜李如山見寄

俗禁須盡掃
掃盡又紛華
喧避蟻爭市
靜看蜂報衙
竹梢斑殞籜
籜蘗渚素淨
花自把闌消
遣從客日又斜

問訊匪秘讀 象山之子

曾並籃輿上峭巍
先將鸞尾掃烟霏
步從歸鳥上頭

去雲狂倚闌
低處飛古錦
尚餘前日句
秋荷重製北
山衣蓬萊直
與人間遠
猶得清茗訪
來薇

經筵賜茶楊文昌席上得貴字

龍泓薦春甘
茶薺絕衆卉
肩作玄玉
不惜萬金貴
厥貢來四方
特立建溪貴
諸儒方重席
飄之涉雲氣
方圭與團璧
錫自一經
既得從稽古
力不敵稽古味
小苦政不惡
回甘亦差慰
雪漲忍翻乳
珠碎僅成璣
月團三百片
下下敢髣髴
宏功適胥稱
厚亨可兀謂
餘瀝逮簾笥
疏淪固所畏
悠然記初分
嘉定次癸未
楊文昌得古方壺於巴子國

大巧出天姿
何年幻怪奇
身輕成俗蛻
調古弗時宜

方外雖圭角宏中填側歌同盟今幾輩部鼎與宗彞

書薛符谿詩卷 仲章

三峨孕無氣直與喬嶽侔因依幾何年蘊藉六丁州
先之擢榘楠碌碌生璣璆漢汚化清泠反晒發烟彪
嚴鍾人戈出輒第一流或爲德困藪或擅文雄苗
以赴功名期或於名節收斡然薛符溪餘地出一頭
尚寒蓬婆雪翠掃山月秋黑頭當策勳肯綬曷足酬
得年雖不多得名端不浮遺墨見絕少六丁方隱搜
襲聞桃花爲強悍繫公柔篇什富襲藏零殘皆萃良
牛腰幾卷軸棘心懷松楸心聲出誠素瑤肪謝雕鏤
往年詩寄爲趣爲買歸舟爲無一簪直目銜富寡儔

倒橐僅如此貧崇何時廖昨從西子湖來訪蘋花洲
請續梁甫聲使貽齊大羞惆悵貂不足非類何足求

○爲老素數牛腰軸皆符溪梅棘間所得數求余

與金山聰蓬山著語黻惕在前以俟蓬山也

盆竹

老瓦新淇與清風小渭川有孫皆抱節天地可行鞭
不肉甘吾瘦敲扉僦榻眠多君不受暑移傍杭惟邊

石上叢竹

斗石森微幹杯泓託茂林不多猶絕俗雖小亦虛心
風噴纖々玉蟾低瑣々金甯中渺千畝尺許對曾陰

明遠卽事

江根金罍子芳騰金橘花物情閑態度秋色澹韶華
燕老遲歸思蜂慵早退衙關心最幽事輻湊在山家

次季東止寄婁雲西兩詩韻○如山

遠明雙白劫揩摩鏡裡星之綠變皤疑不飛雲疑有
帶潤潛分井信無波鶴安屢空都忘去鼠笑長貧絕
見過死轉門前聽歌鳥倚風疎柳正婆娑

綠漲菱荷一半空殘零小隊試吳宮斷虹暝卷千峯
兩方塔涼吹四面風遙夜河源和月曉近秋溪影與
天同山林橫槩非長筭猶欲前驅挑兩翁

送姜貧樂赴陳華亭約

僦屋傍西湖夕光浸屋除秋荷初雨後鄰米餉齊餘

句熟如園轉謀生似我疎拙吟方巧宦騷雅費留倉
見說華亭政平夷似太丘適時寬勝猛幾月很成柔
袖刺方徂歲敲弦條借爍尺書頻寄意君豈致書郵

次超果寺見遠亭韻

寺古巧經營橫飛水上亭港分秋練之雲合暮青之
暝櫺雨收畫燧沙晴射星萃蕪舒晚眺障日恨山屏

立秋

清苕早試秋便作練光浮雨褪荷花瘦風生蓼葉愁
一聲離岸櫓幾箇入城舟惆悵田鳥響關心卒歲憂
六月二十九神林寺池上荷花

涼沼承芳薰急雨壓炎暑葉之蚌觸碎頃刻萬斛許

痕玉臉能薄著得許多雨駢頭如有愁低簪欲相語
摧拉翡翠翼零亂鴛鴦羽擬騰幾老天細意寫心膂
約束誅雲師前驅卷晴宇紅酣盡扶起綠搖並舉
蘋末風亦好人間喝隨愈大一冷然丹著我歌曰亭

懷歸四首

姓名何必上傳燈破釜難諧大呂聲信脚半生惟舌
在策勳九轉到丹成強知晴雨恰鳩拙擬葺茆茨似
燕營見說千金曾賣賦不堪容易賦閒情
富貴還鄉頗稱懷謂之書錦亦且哉過家曾說分符
去持節旋聞諭蜀來皎之月規前夜缺悠々淵水有
時回車輪未必都生角只合橫推不豎推

可能無地著蒲團自把行藏一破顏試問飛來華表
柱何如生入玉門關角纔扣罷尋煙棹驢倒騎歸看
華山處士故廬霜月古欲將全璧伴東還
何須騎鶴與腰纏欲傍家山問一鄰任是五經俱掃
地可容四海欠彌天白砂自養真鈇永玄草重紉斷
簡編更約梅花窗外樹曲肱聽雨聽風眠

澱山三姑新錫廟額曰會靈仍爲作記

有德難藏用惟功易及民封嘉從巨宋寵賁逮先秦
鼎足分靈躡波心據要津水連天共遠湖與泖爲隣
盛事千軍閟幽光一日伸典刑開祀事季孟舊尋倫
天上絲綸美山中雨露新歛涼生暑晝老火變陽春

肝饗先群望豐凶在一身不知閑草木何事亦精神

艤篷

幻得江天小陰晴便合且未將紅蓼種先報白鷗
貼水雲千點闕蒼月半規歸僧敲竹戶只佗扣舷疑

酬嘉興別駕謝司直

攬春藝蘭莖米之山之阿雪砌拓餘地率風日編摩
芳潔漸可興榛莽常婆娑紫牙茁新穰薰蕕相錯磨
引類聯根株圖蔓費斧柯何補殖殖勤苦心忘鬢皤
九畹與百晦恨少不恨多疑之廣庭玉比德元同科
餘光燭檮李散彩搖清波太湖跨三州如此明月何

蓬居梵竺卿詩藁

維舟吊竹鄉寒日暗丹青俗惡眼中屑離騷身後經
畦芳催蜜熟圃藥試方靈零落三千偈關防在六丁

次韻惠寺丞見寄

鴈塔名題久不知新吟忽遣好風吹曷推未畫本無
畫計已出奇何有奇孔雀屏開金錯落蟾蜍玉冷墨
漓淋故家舊有傳衣句跨竈衝樓足尉思

大雅堂

少陵何人斯日似司馬遷大史牛馬走於此何有焉
膏者膏不理知言超言前政如春在花春豈必醜妍
又如發清輝意豈必在絃悠之雲出山滔之水行川
雲水川川行莫測何能然不知其誰知軟語黃庭堅

庭堅語弗軟壯折灑瀕顛盡寫劔峽詩不數金盞篇
密付草玄後夜光寒燭天扁作大雅堂醉墨猶明鮮
至今百歲後此意惟心傳 炎宋諸王孫傳癖不復
痊閉戶閱宗派尚友清社賢呂韓儼前列芳蠟然金
蓮三洪偕二謝病可攜瘦權奪胎換骨法妙處尤拳
拳疏越正始音細取麟角煎亦有老斷輪堂下時蹠
蹠

槎浦南翔寺

荒破齊梁地宏開釋梵家令威新化鶴博望舊停槎
風嫋經幢石芳騰品觀花同聲六萬宇羊鹿換牛車

南翔九品觀 蕭相國佗土地

清泰重關國芬陀便滿池高風追晉社餘地拓蕭規
玉甃承丹堊璇題漾碧漪西之真捷徑舍此復何之

華亭孫丞迎侍道州使君

老人端似老人星五馬精明舊典刑故事新看廳壁
記華堂舊有德威銘數州棠樹應垂地四世菜衣又
過庭騷雅故家仍大手可無清警賦華亭

八月二十七風雨大浸

左扼飛廉吭右拊巽二背謂云如何其坐使六鷁退
亦有司雨工馬如繫單于不卷油然雲自欲于剪屠
鄉來不鳴條鬼亦不曾破卿雲千黜明花月半天墮
袞衣徂東山拔木仍偃禾至今東山詩千載猶詠歌

悠然啓金滕風反雨亦止是中果何書頃刻變天紀
流言久弗作狐亦不復疑至誠動真宰風雨胡不知
風雨不我以我稼已墮水不知十日淫滴碎田父心

秋潦歎

疾雷振秋杪急雨動旬浹風中三重郊露臥且病步
四郊漫之空湧波田叟田媪鵝在河陣頭雨過陳頭
起濕稼不多潢潦多風雨聲中哭聲苦泪眼不晴多
似雨不憂飢殍更流移憂欠今年縣官賦縣官勤儉
知歲飢定有德音來撫綏老姦黠胥能巧詆莫將白
紙欺黃紙

八月八風大水

十日溪頭鷁退此州逢那暇問雄雌不如二月春風
好草木無情亦去思
零落蒹葭水半扉媪嬾翁蹙小兒啼老雞不管豐凶
事獨自將雞樹上棲

贈丁相士

張雪洲家首藉盤坐中著眼恐應難似壘表鶴仍同
姓與華山人不雨般客舍須尋佳處任熱官多是冷
時觀却須索我形骸外莫作三支一等看

余尸巾山苦誅求而去盍無春糧寓公范公
質衣以 西笑曰亂邦不居行矣

廉士難於俗吏并質衣猶及送僧行惠性適川偏多

感施及無求益見情弱羽敢辭三足妒伏雌常與九
包爭故家逸韻難諧俗共作台州一段清

赤城六章章四句

赤城美宋也赤城峨之霞標錯摩篤生斯人絕超凡
科峨之赤城磅礴九地斯人篤生水瘦石悴念昔三
輔湖獨紛委逮公來斯苕雪涇渭千里壽公禱公壽
康慧洽兆庶日飛百觴伊我無酒注彼鯨兒願公華
袞式昌厥嗣亦復願公嘯吟紫微俾我無微嬉其莞
而○紫微宋公年近九十公父也

醜竹巖賦行春橋翁媪摘白

恨霜黦鬚諱言霜誰敢從翁話鬢蒼每見丹林楓剪

剪只云青女陳堂堂所餘不足供彈鑷既往徒嗟易
斷腸惆悵行春橋下水無朝無暮只滄浪

西菩中暉堂乃參寥辨才所居

門外青山自作雙簷前松韻瀉秋江半規皎皎瞰重
霧一點晶晶洞入窗用晦不曾欺暗室鑿隣何必借
殘缸儉存元祐規模小曾著光明兩勝幢

吊楊尚書哭子未幾復鼓盆

壽域富萬彙楚楚惟靈椿彭罔不可儕聃亦虞遘述
天高杳難問請以意自陳大年豈知止小知寧無胤
况夫朝石聞公變可得嬰若家老孟光及與膝上英
洞窺天地身一視螺與蛉居然因其小其餘讚經綸

青之脩梧枝尚有五色翎相參星辰覆其爲黃河清

送楊文昌帥瀘南

鄉心動如翼勇夫挽不還長竿卷百丈疾飛三峽虹
東西跬步間勳業唾手耳貂蟬出堦鬚了不二初志
瀘州控井絡衿喉翰西徼貔貅擁玉帳萬竈聽吟嘯
蜀相入不毛赤地方流金至今龍門江透底如此心
公平同此心印水復印天我恐席未煖又下瞿塘舡

題冲老廉博士古木

離奇磊砢廉宜妙幻出川僧屋角頭風雨夜遙籠不
寐聽他天籍自颼颼

次韻吳子簿初度供佛

未慙響朝陽早棲枳棘傍剛柔非吐茹衰弱倚清強
避酒來蕭寺思親拜渭陽平生番襪注背俗細乎草

山居次盧玉堂見寄

旋十村墟舊練苑夜深雲明薄江郊更無可借文書
處只好相尋野逸交落葉自隨流水去閑門盡倒破
囊杪故人遞迭青雲去誰與山人賦解嘲

寄秋塘陳敬甫

華風豈不聲默與靜者吹涼月自入袖默許靜者知
風乎豈必爾月亦聽所之靜者亦若是弗與俗子期
俗方日日浮靜豈忍詭隨山林隘乾坤小大各有宜
思君令人老一見動歲時下塘通上塘一葦何遠而

嘯曩北山日卓蓋松間飛潑潑三二子喜迓見捷眉
著翁泉上亭泉石訝久違透問觀濤瀾雪濺冰玉漸
激翁枝癢處洶湧翻文辭

墨荔支

老坡曾比江瑤柱或謂江瑤柱不如擬寫釵頭陂紅
小斷魂蠻雨瘴煙疎

道場山兩題

鑿地瀦寒碧冷之湛弗搖方奩開素鏡闊幅剪生綃
甃古天爲底杯深雪漲潮俗交濃若醴一滴也難消

○石清池

巖隙帶痕雲涓涓不受塵淫尊元自淺歆器不須盈

鏡徹雙明碧花浮少許春漢宮分燭後新潔試清清

○右一句泉

送顧峨公東祁門尉

角嶼城頭曉風回麥腳斜清明都冷落陰翳攢韶華
飯了長亭黍來分野寺茶到家三月暮恰好送鷺花
已矣吳門市祁門問阿連有書聊話舊無累不須仙
蜀叟思長計苕溪縛數椽不知雙壁外誰與辨腰纏

丹霞張府博入夏蔬食

不爲長齋綉佛前欲醺芳溢伴風蟬川奔直恐頽難
障灰死何曾溺不然冷帳弗生騎鶴夢清才合友跨
鯨仙幾時卜築紅泉上只尺丹霞小有天

代宣石橋謝兩湖部使者

丙寅端午前三日南岩西湖酒一卮趁此昌蒲新釀
熟看君棠棣燕歌遲春風玉筍分班處夜雨金閨對
榻時蛙在秋池分部期小須叔季葵墳篋

張萱作妃子夜游圖子由謂之秦虢並馳爭先

圖文潞公司馬公東坡兄弟一時名勝泊宣和

宸翰在焉藏諸御府後歸紹興權倖家復爲

開禧權倖所有更化後景獻仲兄得之

孰揮若木枝日馭不可勒志士分寸惜長繩繫不得
忽觀此圖使我傷使痛憤嗟三郎三郎飛入八月中
去回首不知官漏長金羈金勒控紫韁玉花玉面下

采床天堦夜色淨如洗官轡促鞵相抵當十家三國
歸模寫不寫漁陽關胡馬較來不畫亦不妨問之莫
掩張曲江宣和宸奎獨爛之元祐名卿題得滿旣歸
天上誇襲藏又落人間作奇玩沈思惡衣菲飲食過
門不子呱之泣張萱已矣倘可呼爲我只作塗山圖

武侯廟○太湖上必非武侯當是瑾焉恪父老

必爲武侯

黑栢森々舊息陰錦官城北到如今雖生仲達猶難
料更十曹不豈易禁曾過南陽尋故俗偶思梁甫擬
高吟外江三硤霜蟾老蚤識先生遡硤心

林若筦樵上巴河斬黃亂離僅以身免

研禾廿四
話到蘄黃只求歎不知心作食梅酸斷頭目是無降
將齧指終能媿賀蘭變弗知權生亦媿動纜適義死
何難多君逆旅觀浮俗尸素墻間一等看

送任大卿出知漢州

就列行初志專城亦此心玉蟾鄉月滿金鴈景星臨
知舊玄裳鶴從游綠綺琴歌風琴在御夢草鶴同吟
梁甫誰同調高山自賞音往來三硤險森布萬靈欽
信是婁師德慙非釋道林華風一披拂小草竟蕭森
不賦空懷土無枝勇惜陰房湖開綠幕祗樹砌黃金
駟馬雖難駐雙旌倘可尋道遙堂舊話領話望公深

種桑

無衣可奈何桑樹百餘窠拙計不及此瘠田誰種它
綠荷供楚製白苧入吳歌金谷雖佳麗知誰所得多

摘茶

苦莫苦於茶回甘薺不如瘠業嗔重歛睡眠喜豐儲
未雨試芳潔殘春空緒餘丁寧加惠養竭澤恐無魚

贈御前梁官幹

梁措惜墨如惜金醉來亦復成漓淋天藉自響或自
瘖簇史閣筆空沈吟前日去尋子趙子道院水亭秋
色裡幻成趙子騎羴瀟洒不滅騎鯨魚又寫深衣
跨牛客雲生谷口耕阡陌按圖絕叫喜欲飛掉筆授
我使我顯我方挂眼孤山西岑樓殘碧澹掃眉見成

一段詩中畫宜雨且晴四府挂輪與滕王蛟蝶圖坐
收少室山人賈

元日送客歸西湖

米筭春消御柳邊權歌忽聽采菱舡三賢竟說遷居
了只寄梅花問水仙

題扇賜國○趙千里著色景燄仲允所藏

忠厚文傳政吾寧未釋疑能扇行路賜不療米微飢
醋在炎々處涼生習々時白團讚贊鉞宜畫不宜詩

瑠璃燈中魚子

玄珠透水明玉鱗弄晶晶躍礙水痕薄潛疑月色新
器宏斯可樂水淺易持盈歸趁燒燈後蘋洲拍拍春

風琴贈選上人

萬籟甫消聲鏘然忽自鳴獨耳風力小雙與月華清
歷々諧三疊玲々叶九成官商雖斷續何處不分明

寄宣城使君陳中書兼簡謝別駕林叔恭

森藹凝香賦夜嚴醒開玉色判厭々茶雖小苦還如
薺梅抑微酸必俟塩壽富拓成千里域光榮飛上一
規蟾道樞却在環中轉騰穰殘膏亦溉沾

樂離稽古暫專城孰愈金蓮夜直頻風月平分與
放江山多助到清新鄉來素練江猶淨近日芳池草
又春想見尊前醅別乘政夷山下付衣人

吊志老宿

浮休不足籌遺恨，黷難取死草起新。馥落梅添古愁，
一龕遲日月百歲老。春秋獨有舊名氏，不隨溪水流。

溪行

欠之拍大漲桃花葑，未全青荻已芽兩行若無楊柳
樹看來無處著韶華

寄江東趙料院兼簡舍使○趙棲巖

江遠天低月透沙，巖城佳處艤仙槎。明分象緯占群
土，巍峙岑樓仰九華。棋局旋收歸靜勝，吟疆寬拓戰
淫哇。春回水驛分新句，更寄南枝一兩花。

謝葉文昌二首

星履聲中識典刑，沆空浮俗快雙明。四朝孰愈德耆

艾九鼎易如身重輕，只作尋常高步政。安知咫尺是
鈞衡，冲和一點關坵埴。噫欠春風六合生。

鏡裡津津喜上眉，人情瘦瘠遁心肥。環中小復事虛
應，方外敢忘求實歸。客好潔羞南澗藻，家常草具北
山薇。艸消閑裡舒長日，脩綆何須絆落暉。

杜侍郎坐上得彙字

春事三分二分了，策勳淑景還宜早。野桃官柳嫌春
少，却笑上林鸞易老。豈知老榦空斗南，七八千歲春
酣人無人聞此不大笑。有口只與莊生談金鐘，大鑪
在東序。瑚璉離離雕俎歌，工在列樂在懸更復明。
堂須柱礎一枝老，我若水涓煮字不充亭。午飢丹崖

蒼壁信手題詠歌事業銘鼎彝

萼菴魏紫

華風織翠裾紫綬更紛敷眉玉嫩成糝纓金齊燃鬚
妖饒嗟易歇落托醉難扶舊日沈香北傾都只此殊
督錢省嚴教子

曾過竹巖幽巖前正晚秋養廉忘節苦種德俟芽抽
橫翠新如染澄瀾凝不流丁寧庭砌玉及早事雕鏤

移斑竹

菑蕘撓歲寒巍節笑多艱露濕添新綠苔封減舊班
龍雛分竺寺帝子泣湘山無限蒼梧思清風便往還
醜謝司直晦齋寄宋湖州早東

春無十日好又是去堂堂柳借搗蕢重花消蝶粉香
清和宜晚步零落課殘芳北牖華風緩朝來尚寵光
清苕春畢早三月已無花歲滂騰猶缺田低水再車
遠懷難盡寄近况却全佳也似雲臺吏生涯未有涯

鳳鳴寺十八應真乃日本國所製密印僧典於

沈氏沈施於鳳鳴

木素上金泥雲衣整稻畦曾充僧典質未到佛塔梯
領衆三韓比分身兩浙西一龕老風雨誰與振幽棲
醜季敬父清明見寄

半雨陰陰復半晴芳郊紫徑厭八声塵輕飛花逐旋
將春去續緱尋思繫口傾夢苦流鶯呼得覺愁嫌啼

鳩喚教生頻撥短髮臨寒水添了星星幾點明

盧直院大監挽辭

客葬奈貧何無山無葦蘿近分南宕小遠勝北印多
不與貂彈老空將琬琰磨丁寧燕許手遺事細蒐羅

送宋使君呈光祿

解紱宜新渥催帆挂曉晴宿陰消岸趾初日動簾旌
班近尋鳩鷺親怡燕弟兄老人纏次近同傍紫微明

送林府教英發

元化鈞陶鑄先生獨鑄顏不祥麾躍冶至蘊剖藏山
幌冷雲無地名脩玉綴班園橋儼冠帶鵠立望公還

碧街霞行○并引

折德宸得馬於燕澗口角碧霞夾雙勒從太宗

幸大原善屈伸上下岡坂如砥大宗安駕援從

輦於熙陵數月而斃瘞於桃花犬旁竹巖得

此二畫多有名勝著語

雙街金勒明霞碧暗花隱起雲如刺霜零燕澗草根
甜長鳴振鬣飛無跡一朝群空十二閑在圖八駿亦
覩顏鄉令生並人間世躑躅吞聲敢神喙真人開國
宗承祖猶有幽燕兩杯土要須馬上駕群雄九重跨
出蒼玉虹短韉長駟當峻坂却後伸前如履坦紫駘
峯薦碧琳腴餘瀝婁分明玉璫圍人大僕不敢侮爪
剔爬搔謹程度屹立亭亭時却顧趨齧誰能犯其怒

御聞天馬曾作歌
大宛西極都菟羅
鳳膺龍脊非凡
駟馬肝遂誤文成死
遂使劉郎葬茂陵
不到豎臺十
二層

